

ხელშეკრულება სახელმწიფო შესყიდვის შესახებ #76

ქ. თბილისი

5 ოქტომბერი 2015 წელი

ერთის მხრივ, სახელმწიფო უსაფრთხოებისა და კრიზისების მართვის საბჭოს აპარატი, წარმოდგენილი ადმინისტრაციული დეპარტამენტის დირექტორის მოადგილის მიხეილ ხაჩიძის სახით (შემდგომში - „შემსყიდველი“) და მეორეს მხრივ, შპს „თეგეტა მოტორსი“ - წარმოდგენილი გენერალური დირექტორის თემურ კოხოდის სახით (შემდგომში „მიმწოდებელი“) წოდებული მხარეებმა, ორმხრივი შეთანხმებით, „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „თ“ ქვეპუნქტის შესაბამისად, საქართველოს მთავრობის 2011 წლის 21 იანვრის #26 დადგენილების საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების ობიექტი

ხელშეკრულების ობიექტს წარმოადგენს სახელმწიფო უსაფრთხოებისა და კრიზისების მართვის საბჭოს აპარატის ბალანსზე რიცხული ავტომანქანის პოლირება (CPV50100000).

#	ავტომანქანის მოდელი	სახელმწიფო ნომერი	საიდენტიფიკაციო ნომერი	გამოშვების წელი
2	TOYOTA LAND CRUISER 200	SS 011 CC	JTMHV05J004083198	2012

მუხლი 2. ხელშეკრულების ღირებულება

2.1. ხელშეკრულების საერთო ღირებულება შეადგენს – 350 (სამასორმოდდათი) ლარს.

2.2. ხელშეკრულების ღირებულებაში შედის საქართველოს კანონმდებლობით გათვალისწინებული ყველა გადასახადი, რომლის გადახდა ეკისრება „მიმწოდებელს“.

მუხლი 3. მომსახურების გაწევის ადგილი და ეტაპობრივი ვადები

3.1. მომსახურების გაწევის ადგილია ქ. თბილისი დ. აღმაშენებლის ხეივანი, მე-12 კმ #5.

3.2. მომსახურების გაწევის ვადაა 2015 წლის 16 ოქტომბრის ჩათვლით.

მუხლი 4. მომსახურების მიღება-ჩაბარება

4.1. მომსახურების შემდეგ მხარეებს შორის ფორმდება მიღება-ჩაბარების აქტი, რომლის საფუძველზეც „მიმწოდებელი“ „შემსყიდველს“ წარუდგენს ინვოისს და საგადასახადო ანგარიშ-ფაქტურას საგადასახადო კოდექსით დადგენილი წესითა და ვადებში.

4.2. შემსყიდველის მიერ გაწეული მომსახურების აღიარება (ცნობა) მოხდება მომსახურების გაწევის შემდეგ ორივე მხარისაგან ხელმოწერილი მიღება-ჩაბარების აქტისა და დადასტურებული საგადასახადო ანგარიშ-ფაქტურის საფუძველზე.

მუხლი 5. ანგარიშსწორების პირობები:

5.1. ანგარიშსწორება მხარეთა შორის ხორციელდება უნაღდო ანგარიშსწორების წესით, „მიმწოდებლის“ მიერ მითითებულ საბანკო ანგარიშზე.

5.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი, წარმოდგენილი ინვოისი და საგადასახადო ანგარიშ-ფაქტურა.

5.3. „მიმწოდებელთან“ ანგარიშსწორება განხორციელდება ერთ ეტაპად, 5.2. პუნქტით განსაზღვრული დოკუმენტების წარმოდგენიდან 15 (თხუთმეტი) კალენდარული დღის ვადაში.

6. გარანტია

6.1. თუ „მიმწოდებლის“ მიერ მომსახურება არაჯეროვნად იქნა შესრულებული, ხელახალ მომსახურების გაწევას საკუთარი ხარჯებით უზრუნველყოფს „მიმწოდებელი“.

6.2. მომსახურების გაწევის დროს, მომსახურების გაწევის შესახებ აქტის ხელმოწერამდე, ყველა რისკი ავტომანქანისადმი მიყენებულ ზიანზე ეკისრება „მიმწოდებელს“.

მუხლი 7. მხარეთა უფლება-მოვალეობანი

7.1. „შემსყიდველი ორგანიზაცია“ უფლებამოსილია:

7.1.1. საქართველოს კანონმდებლობის შესაბამისად შეაჩეროს ან შეწყვიტოს ხელშეკრულების მოქმედება, თუ მიმწოდებლის მიერ წარმოდგენილი მონაცემები ყალბი აღმოჩნდება; აგრეთვე, საქართველოს კანონმდებლობით გათვალისწინებულ სხვა შემთხვევებში;

7.1.2. აწარმოოს გაწეული მომსახურების ინსპექტირება სახელმწიფო შესყიდვის შესახებ ხელშეკრულების შესრულების ნებისმიერ ეტაპზე.

7.2. „შემსყიდველი ორგანიზაცია“ ვალდებულია:

7.2.1. მოახდინოს ანგარიშწორება მიმწოდებელთან წინამდებარე ხელშეკრულების მე-5 მუხლით გათვალისწინებული წესისა და პირობების შესაბამისად;

7.2.2. სახელმწიფო უსაფრთხოებისა და კრიზისების მართვის საბჭოს აპარატის ადმინისტრაციულმა დეპარტამენტმა უზრუნველყოს შესაკეთებელი ავტომანქანის დეფექტური აქტის შედგენა.

7.3. „მიმწოდებელი“ უფლებამოსილია:

7.3.1. მიიღოს გაწეული მომსახურებისათვის ხელშეკრულებით გათვალისწინებული ანაზღაურება.

7.4. „მიმწოდებელი“ ვალდებულია:

7.4.1. უზრუნველყოს მომსახურების გაწევა სრულყოფილად, კეთილსინდისიერად და უნაკლოდ, ხელშეკრულებით გათვალისწინებული ვადების დაცვით;

7.4.2. ხარისხიანად და დროულად უზრუნველყოს ავტომანქანის ტექნიკური მომსახურება.

7.4.3. უზრუნველყოს დეფექტურ აქტში მითითებული სამუშაოების დაუყოვნებლივ შესრულება.

7.4.4. მომსახურების გაწევის შემდეგ დაუყოვნებლივ გადასცეს „შემსყიდველს“ უფლებრივად და ნივთობრივად უნაკლო ავტომანქანა.

7.4.6. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.4.7. საკუთარი რესურსებით უზრუნველყოს „შემსყიდველი“ ინსპექტირების ჩატარებისათვის ტექნიკური საშუალებებით და სხვა სამუშაო პირობებით, ხოლო, „შემსყიდველის“ მოთხოვნის საფუძველზე აუცილებელი პერსონალით.

მუხლი 8. დაუძლეველი ძალა

8.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

8.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა მეორე მხარეს მათი დადგომის ან/და დასრულების შესახებ. წინააღმდეგ შემთხვევაში შესაბამისი მხარე არ გათავისუფლდება ნაკისრი ვალდებულებებისაგან.

8.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 9. ხელშეკრულების პირობების და ფასების გადასინჯვა

9.1. ხელშეკრულებაში ცვლილებები და დამატებები შეიძლება შეტანილ იქნეს ორივე მხარის თანხმობით; ცვლილებების და დამატებების შეტანა ხორციელდება წერილობითი ფორმით;

9.2. ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;

9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, შესაძლებელია გაიზარდოს სახელშეკრულებო ღირებულება არაუმეტეს სახელმწიფო შესყიდვის შესახებ ხელშეკრულების ჯამური ღირებულების 10 (ათი) პროცენტისა;

9.4. ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

9.5. ხელშეკრულებაში ცალმხრივად შეტანილი ცვლილებები და დამატებები ბათილია შეტანის მომენტიდან;

მუხლი 10. ხელშეკრულების შეწყვეტა

წინამდებარე ხელშეკრულების შეწყვეტის საფუძვლებია:

- 10.1. მხარეთა შეთანხმება;
- 10.2. ხელშეკრულებით ნაკისრი ვალდებულებების შესრულება;
- 10.3. საქართველოს კანონმდებლობით გათვალისწინებული სხვა შემთხვევები.

მუხლი 11. დავის გადაწყვეტა

- 11.1. მხარეები სადავო საკითხებს წყვეტენ ურთიერთშეთანხმების საფუძველზე;
- 11.2. თუ ასეთი შეთანხმება ვერ იქნება მიღწეული, მხარეთა შორის დავა გადაწყდება საქართველოს სასამართლოში, საქართველოს მოქმედი კანონმდებლობით დადგენილი წესის შესაბამისად.

მუხლი 12. ხელშეკრულების პირობების შეუსრულებლობა

- 12.1. ხელშეკრულების პირობების არაჯეროვანი შესრულების ან შეუსრულებლობის შემთხვევაში, მხარეები ერთმანეთის წინაშე პასუხს აგებენ მოქმედი კანონმდებლობის შესაბამისად.
- 12.2. მომსახურების გაწევის ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე გასაწევი მომსახურების ღირებულების 0,2 (ნოლი მთელი, ორი მეათედი) პროცენტის ოდენობით,
- 12.3. მიმწოდებლის მხრიდან ხელშეკრულებით ნაკისრი ვალდებულებების სრულად შეუსრულებლობის შემთხვევაში, მიმწოდებელს ეკისრება პირგასამტეხლო სახელეკრულებო ღირებულების 5 (ხუთი) პროცენტის ოდენობით.

მუხლი 13. სახელმწიფო შესყიდვის შესახებ ხელშეკრულების კონტროლი

ხელშეკრულებით ნაკისრი ვალდებულებების შესრულების კონტროლსა და მიღება-ჩაბარების აქტის გაფორმებას უზრუნველყოფს სახელმწიფო უსაფრთხოებისა და კრიზისების მართვის საბჭოს აპარატის ადმინისტრაციული დეპარტამენტის შტატტარეშე მოსამსახურე ბექა მურდვლიანი.

მუხლი 14. ხელშეკრულების მოქმედების ვადა

წინამდებარე ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2015 წლის 30 ნოემბრის ჩათვლით.

მუხლი 15. განსაკუთრებული პირობები

- 15.1. მხარეები თანხმდებიან, რომ ის ურთიერთობანი, რომელიც არ იქნა მოწესრიგებული წინამდებარე ხელშეკრულებით, რეგულირდება საქართველოს მოქმედი კანონმდებლობით;
- 15.2. ხელშეკრულება შედგენილია ქართულ ენაზე, თანაბარი იურიდიული ძალის მქონე 3 (სამი) ეგზემპლარად.
- 15.3. ხელშეკრულების ერთი ეგზემპლარი ეგზავნება „მიმწოდებელს“, ხოლო ორი ინახება „შემსყიდველ ორგანიზაციაში“.

მუხლი 16. მხარეთა რეკვიზიტები

„შემსყიდველი“	„მიმწოდებელი“
სახელმწიფო უსაფრთხოებისა და კრიზისების მართვის საბჭოს აპარატი ს/კ 204584404 მის: ქ. თბილისი, ინგოროყვას ქუჩა #7 სახელმწიფო ხაზინა	შპს „თეგეტა მოტორსი“ ქ. თბილისი, დ. აღმაშენებლის ხეივანი, მე-12 კმ #5 ს/ს თიბისი ბანკი ბ/კ TBCBGE22 ა/ა GE80 TB06 0000 0024 4678 53 ს/კ 202177205
ადმინისტრაციული დეპარტამენტის დირექტორის მოადგილე	გენ. დირექტორი
	
/მინილ ხაჩიძე/	/თემურ კობახიძე/